



სანქციების დაწესებისა და გამოყენების პროცედურა

გამოცემა N01

დამტკიცებულია "ასოციაცია ბუნებრივი ღვინოს" დირექტორის მიერ:

თარიღი:

17.11.2020

ზურაბ მღვდლიაშვილი:

დანიშნულება

წინამდებარე დოკუმენტის მიზანია ასოციაცია „ბუნებრივი ღვინოს“ (შემდეგში - ასოციაცია) წევრების მეურნეობის ასოციაციის სახელმძღვანელოსთან შესაბამისობის უზრუნველყოფა.

გამოყენების სფერო

აღნიშნული დოკუმენტი და მასში მოხსენიებული სანქციები ეხება ასოციაციის ყველა იმ წევრს, რომელიც არღვევს ასოციაციის სახელმძღვანელოს მოთხოვნებს.

პასუხისმგებელი პირი

ხარისხის მენეჯერი

ჩანაწერის ფორმა

სანქციების რეესტრი

სანქციების კონტროლის ფორმა

1. სანქციების დაწესება

- 1.1. სანქციები უწესდება ასოციაციის ყველა იმ წევრს, რომელიც არღვევს ასოციაციის სახელმძღვანელოს მოთხოვნებს.
- 1.2. ასოციაციის წევრის მიმართ სანქციები გამოიყენება ასოციაციის ინსპექტირების შედეგებიდან ან სხვა ობიექტურად დადასტურებული მტკიცებულებებიდან გამომდინარე, რომ ასოციაციის სახელმძღვანელოს მოთხოვნები დარღვეულია.
- 1.3. ინსპექტირების შემთხვევაში, ინსპექტირების შეფასების შემაჯამებელ ანგარიშში ასევე იწერება შესაბამისი დარღვევისთვის დაწესებული სანქცია.
- 1.4. სანქციების რეესტრს და სტატისტიკას აწარმოებს ხარისხის მენეჯერი (იხ. დანართი 1 - სანქციების რეესტრი).
- 1.5. სანქციების რეესტრში ინფორმაცია ხარისხის მენეჯერს შეაქვს ინსპექტირების დაწყებიდან 3-4 თვის შემდეგ (შუალედური ანგარიში) და დასრულებისას (საბოლოო ანგარიში).
- 1.6. ინსპექტირების შედეგების გარდა, სხვა ობიექტურად დადასტურებული მტკიცებულებებით დაწესებული სანქციების შემთხვევაში, ხარისხის მენეჯერი კონკრეტული შემთხვევის შესახებ ინფორმაციას და შესაბამის სანქციას წარუდგენს დირექტორს ინფორმაციის მიღებიდან 10 დღის ვადაში. დირექტორი ვალდებულია, ეს სანქციები დაადასტუროს ან უარყოს ინფორმაციის მიღებიდან მაქსიმუმ 1 თვის განმავლობაში.
- 1.7. ინსპექტირების შედეგებისა და სხვა ობიექტურად დადასტურებული მტკიცებულებებით დაწესებული სანქცია ძალაში შედის დირექტორის მიერ მისი ხელმოწერის დღიდან.
- 1.8. ასოციაციის დირექტორი ვალდებულია, უზრუნველყოს ასოციაციის წევრის დროული ინფორმირება დაწესებული სანქციების შესახებ.
- 1.9. სანქციებს, რომლებიც დაწესებულია დარღვევების გამოსწორებისა და შეუსაბამობების აღმოფხვრის მიზნით, შემდგომში აკონტროლებს ხარისხის მენეჯერი (საჭიროების შემთხვევაში - შიდა ინსპექტორების დახმარებით). კონტროლის შედეგები აღირიცხება მის მიერ შევსებულ „სანქციების კონტროლის ფორმაში“ (იხ. დანართი 2).
- 1.10. გამოსწორებული მაკორექტირებელი ქმედებების შესაბამისი მტკიცებულების მოპოვების შემდეგ ხარისხის მენეჯერი ასოციაციის წევრს აწვდის ინფორმაციას სანქციის მოხსნის შესახებ და ეს ინფორმაცია შეაქვს სანქციების კონტროლის ფორმაში.

2. დარღვევები და სანქციების ტიპები

- 2.1. ასოციაცია „ბუნებრივი ღვინის“ ხარისხის მართვის სისტემის ფარგლებში შეუსაბამობებსა და დარღვევებზე დაწესებულია სანქციები, რომლებიც სამ კატეგორიად არის დაყოფილი (იხ. ცხრილი 1: სანქციების ტიპები და კატეგორიები).
- 2.2. I კატეგორიის დარღვევის შემთხვევაში, წევრი მიიღებს გაფრთხილებას.

- 2.3. II კატეგორიის დარღვევის შემთხვევაში, წევრი ვერ მიიღებს ასოციაციის წევრობის ნიშანს დარღვევის აღმოჩენის წლის მოსავლის კონკრეტულ ღვინოზე.
- 1.1. III კატეგორიის დარღვევის შემთხვევაში, წევრი გაირიცხება ასოციაციიდან 2 წლის ვადით.
- 1.2. ასოციაციაში წევრის აღდგენა 2 წლის შემდეგ ხდება იგივე პროცედურით, რაც ახალი წევრის მიღების შემთხვევაში.
- 1.3. ასოციაციაში წევრის აღდგენის შემდეგ III კატეგორიის დარღვევის შემთხვევაში, ასოციაციიდან წევრი გაირიცხება 4 წლის ვადით.
- 1.4. ასოციაციაში წევრის ხელმეორედ აღდგენა 4 წლის შემდეგ ხდება იგივე პროცედურით, რაც ახალი წევრის მიღების შემთხვევაში.

ცხრილი 1: სანქციების ტიპები და კატეგორიები

შეუსაბამობის კატეგორია	შეუსაბამობის ტიპი	გასატარებელი სანქცია
I კატეგორია	ორგანული სასუქის ჭარბი გამოყენება პირველად	გაფრთხილება
	მარანში ღვინოების არასწორი ნიშანდება პირველად	გაფრთხილება
	პრეპარატების შესყიდვის დამადასტურებელი დოკუმენტების (ზედნადები, ფაქტურა და ა.შ.) არქონა პირველად	გაფრთხილება
	მარნის სქემის/რუკის არქონა პირველად	გაფრთხილება
	ვენახების ორთოფოტოების ან გუგლ-რუკების არქონა პირველად	გაფრთხილება
	სპილენძის შემცველი პრეპარატების ჭარბი გამოყენება პირველად	გაფრთხილება
II კატეგორია	ორგანული სასუქის ჭარბი გამოყენება ზედიზედ ორი და მეტი წლის განმავლობაში	უარი ასოციაციის ნიშანზე
	მარანში ღვინოების არასწორი ნიშანდება მეორედ და ყოველ ჯერზე	უარი ასოციაციის ნიშანზე
	მარანში არსებული ღვინის რაოდენობის თაობაზე არასწორი ინფორმაციის მიწოდება, პირველად	უარი ასოციაციის ნიშანზე
	არადეკლარირებული ყურძნის გამოყენება მისგან დაყენებული ღვინის რეალიზაციის მიზნით, პირველად	უარი ასოციაციის ნიშანზე
	დეკლარაციის წარუდგენლობა ან მისი არასრულად შევსება პირველ ჯერზე გამოიწვევს უარს ასოციაციის ნიშანზე, ხოლო	უარი ასოციაციის ნიშანზე

სანქციების დაწესებისა და გამოყენების პროცედურა
გამოცემა 01. დამტკიცების თარიღი:

	მეორე ჯერზე წვერი გაირიცხება ასოციაციიდან	
	გოგირდის შემცველობა ღვინოში >50 მგ/კგ	უარი ასოციაციის ნიშანზე
	3 მიკრონზე უფრო მცირე ფორების მქონე ქალაღდის ფილტრის გამოყენება	უარი ასოციაციის ნიშანზე
	3-მიკრონიანი და უფრო დიდი ფორების მქონე ქალაღდის ფილტრის გარდა, სხვა საფილტრი ნივთიერებების, მასალების და საშუალებების გამოყენება პირველად	უარი ასოციაციის ნიშანზე
	პრეპარატების შესყიდვის დამადასტურებელი დოკუმენტების (ზედნადები, ფაქტურა და ა.შ.) არქონა მეორედ და ყოველ ჯერზე	უარი ასოციაციის ნიშანზე
	ვენახის მოვლის ჩანაწერების არქონა	უარი ასოციაციის ნიშანზე
	რთველის და მარნის ჩანაწერების არქონა	უარი ასოციაციის ნიშანზე
	მარნის სქემის/რუკის არქონა მეორედ	უარი ასოციაციის ნიშანზე
	ვენახების ორთოფოტოების ან გუგლ-რუკების არქონა მეორედ	უარი ასოციაციის ნიშანზე
	სპილენძის შემცველი პრეპარატების ჭარბი გამოყენება ზედიზედ ორი და მეტი წლის განმავლობაში	უარი ასოციაციის ნიშანზე
III კატეგორია	ნებისმიერი სახის სისტემური პესტიციდის გამოყენება.	ასოციაციიდან გარიცხვა
	ნებისმიერი სახის ჰერბიციდის გამოყენება.	ასოციაციიდან გარიცხვა
	ნებისმიერი სახის სინთეზური გზით მიღებული ქიმიური სასუქის გამოყენება	ასოციაციიდან გარიცხვა
	სპილენძის შემცველი პრეპარატების ჭარბი გამოყენება ზედიზედ სამი წლის განმავლობაში	ასოციაციიდან გარიცხვა
	პარალელური წარმოება ვენახში - ბიო/ორგანული ვენახის პარალელურად კონვენციური ვენახის ფლობა/სარგებლობა	ასოციაციიდან გარიცხვა
	პარალელური წარმოება მარანში - ბუნებრივი ღვინის პარალელურად ინდუსტრიული ან ფალსიფიცირებული ღვინის დაყენება რეალიზაციის მიზნით	ასოციაციიდან გარიცხვა
	მარანში არსებული ღვინის რაოდენობის თაობაზე არასწორი ინფორმაციის მიწოდება, მეორედ	ასოციაციიდან გარიცხვა
	არადეკლარირებული ყურძნის გამოყენება მისგან დაყენებული ღვინის რეალიზაციის მიზნით, მეორედ	ასოციაციიდან გარიცხვა

სანქციების დაწესებისა და გამოყენების პროცედურა
გამოცემა 01. დამტკიცების თარიღი:

	დეკლარაციის წარუდგენლობა ან მისი არასრულად შევსება პირველ ჯერზე გამოიწვევს უარს ასოციაციის ნიშანზე, ხოლო მეორე ჯერზე წევრი გაირიცხება ასოციაციიდან	ასოციაციიდან გარიცხვა
	ინსპექტირების პროცესის ხელის შეშლა (მათ შორის - წლიურ ინსპექტირებაზე თავის არიდება სამჯერ)	ასოციაციიდან გარიცხვა
	სელექციური (კომერციული) საფუვრის გამოყენება ღვინის დაყენებისას	ასოციაციიდან გარიცხვა
	3-მიკრონიანი და უფრო დიდი ფორების მქონე ქაღალდის ფილტრის გარდა, სხვა საფილტრი ნივთიერებების, მასალების და საშუალებების გამოყენება მეორედ	ასოციაციიდან გარიცხვა
	ღვინის პასტერიზაცია (60 გრადუსზე მაღლა გაცხელება)	ასოციაციიდან გარიცხვა
	ვენახის საკუთრების დამადასტურებელი დოკუმენტის არქონა (დასაშვებია მშობლების, დედამიწილების, მეუღლის და შვილების სახელზე გაფორმებული ვენახის საკუთრების დამადასტურებელი დოკუმენტი)	ასოციაციიდან გარიცხვა
	მარნის საკუთრების დამადასტურებელი დოკუმენტის არქონა (დასაშვებია მშობლების, დედამიწილების, მეუღლის, შვილების სახელზე გაფორმებული მარნის საკუთრების დამადასტურებელი დოკუმენტი)	ასოციაციიდან გარიცხვა

დანართი 1 - სანქციების რეესტრი

სანქციების რეესტრის მომზადების თარიღი: _____

სანქციის #	დარღვევის კატეგორია	დარღვევის ტიპი	ბიოსერტიფიცირების ჯგუფის წევრის დასახელება	დარღვევა დაფიქსირდა (აღნიშნეთ X)		გასატარებელი სანქცია	დარღვევის დაფიქსირების ჯერადობა
				შიდა ინსპექტირებისას	სხვა		

ხარისხის მენეჯერის ხელმოწერა: _____

დირექტორის ხელმოწერა: _____

დირექტორის მიერ დამტკიცების თარიღი: _____

სანქციების დაწესებისა და გამოყენების პროცედურა
გამოცემა 01. დამტკიცების თარიღი:

დანართი 2 - სანქციების კონტროლის ფორმა

#	სანქციის #	სანქციის დაწესების თარიღი	სანქციის განხორციელების მტკიცებულება და მისი მოპოვების თარიღი	სანქციის მოხსნის სავარაუდო თარიღი